

FOTO | Ramdan Masiam



MERIAH...Mawi bersama Liew (tengah) dan Nazir (kanan) memeriahkan pelancaran restoran Marrybrown di pusat beli-belah Penang Times Square, Pulau Pinang, kelmarin.

Marrybrown buka cawangan baru

GEORGETOWN: Rangkaian restoran makanan segera, Marrybrown melancarkan pembukaan cawangan terbarunya di pusat beli-belah Penang Times Square di sini, Sabtu lalu dalam suasana meriah bersama dutanya, penyanyi terkenal Mawi.

Pengarah Eksekutif Kumpulan Ivory Properties, Datuk Seri Nazir Ariff, berkata ia percubaan kali pertama pihaknya terbabit dalam perniagaan francais makanan melalui pembukaan restoran makanan segera itu.

Beliau berkata, walaupun pengalaman pertama dalam bidang francais makanan, pemilihan Marrybrown adalah tepat apabila dua cawangan restoran itu yang diuruskan Kumpulan

Ivory Properties di Penang Times Square dan Plaza Ivory Bukit Gambir, mendapat sambutan sejak beroperasi.

"Marrybrown juga memainkan peranan penting dalam memenuhi kehendak komuniti sebagai tempat ideal untuk berkumpul, menghabiskan masa kualiti bersama dan meraikan sambutan hari istimewa dengan yang tersayang," katanya ketika melancarkan cawangan terbaru Marrybrown, di sini.

Turut hadir, Pengasas Marrybrown Fried Chicken Sdn Bhd, Lawrence Liew dan Pengerusi Jawatankuasa Perdagangan Dalam Negeri dan Hal Ehwal Pengguna negeri, Abdul Malik Abul Kassim.